


PROPRIVM MISSARVM  
DE SANCTIS ECCLESIAE  
PASSAVIENSIS.

FESTA JANUARIJ.  
IN FESTO S. SEVERINI, Abbatis.

*Introitus.*

 S Justi meditabitur sapientiam, & lingua ejus loquetur judicium: & DEI ejus in corde ipsius.

*Psal. Noli æmulari in malignantibus: neque zelaveris facientes iniquitatem.*

ψ. Gloria Patri.

ORATIO.

Intercessio nos, quæsumus Domine, beati Severini Abbatis commendet: ut quod nostris meritis non valemus, ejus patrocinio assequamur. Per Dominum nostrum.

*Et fit Commemoratio Vigilia Epiphania: non tamen in Cathedrali, & collegiatis Ecclesijs, ubi duæ cantantur Missæ, una de Festo, altera de Vigilia, sine ulla utrorumque Commemoratione.*

*Oratio de Vigilia Epiphania.*

Omnipotēs sempiterne Deus, dirige actus nostros in beneplacito tuo: ut in nomine dilecti Filij tui mereamur bonis operibus abundare.

¶ Pro Commemoratione S. Telesphori Papæ & Martyris.

ORATIO.

DEUS, qui nos beati Telesphori martyris tui atque Pōtificis annua solemnitate lætificas: cōcede propitius, ut cujus natalitia colimus, de ejusdem etiam protectione gaudeamus. Per Dominum.

*Lectio libri Sapientie.*

Dilectus DEO, & hominibus, cujus memoria in benedictione est. Similem illū fecit in gloria Sanctorum, & magnificavit eum in timore inimicorum, & in verbis suis monstra placavit. Glorificavit eum in conspectu regum, & jussit illi coram populo & ostendit illi gloriam suam. In fide & lenitate ipsius Sanctum fecit illum, & elegit eum ex omni carne. Audivit enim vocem ipsius, & induxit illum in nubem, & dedit coram præcepta, & legem vitæ & disciplinæ.

*Graduale.* Domine prævenisti eum in benedictionibus dulcedinis: posuisti in capite ejus coronam de lapide pre-

Eccles. 45.

alm.

s. Januarij

Psal. 3

ibid.



Psalm.  
21.

tiofo. *ψ.* Vitam petijt à te, & tribuisti ei longitudinem dierum in sæculum sæculi. Alleluja. alleluja. *ψ.* Justus ut palma florebit, sicut cedrus Libani multiplicabitur. Allel.

*Sequentia sancti Evangelij secundum Lucam.*

Luc. 12

**I**n illo tempore : Dixit Jesus discipulis suis : Sint lumbi vestri præcincti, & lucernæ ardentes in manibus vestris. Et vos similes hominibus expectantibus dominum suum, quãdo revertatur à nuptiis : ut cum venerit & pulsaverit, confestim aperiant ei. Beati servi illi, quos cum venerit Dominus, invenerit vigilantes. Amen dico vobis, quod præcinget se, & faciet illos discumbere, & trãsiens ministrabit illis. Et si venerit in secunda vigilia, & si in tertia vigilia venerit, & ita invenerit: beati sunt servi illi. Hoc autem scitote, quoniam si sciret pater familias, quã horã fur veniret, vigilaret utique, & non fineret, pèrfodi domum suam. Et vos estote parati, quia quã horã non putatis, filius hominis veniet.

Psalm.  
20.

*Offertorium.* Desiderium animæ ejus tribuisti ei Domine: & voluntate labiorum ejus non fraudasti eum, posui-

sti in capite ejus coronam de lapide pretioso.

*Secreta.*

**S**acris altaribus, Domine hostias superpositas sanctus Severinus Abbas, quæsumus, in salutem nobis provenire deposcat. Per Dominum.

*Pro Vigilia Epiphaniæ Secreta*

**C**oncede quæsumus, omnipotens Deus: ut oculis tuæ Majestatis munus oblatum, & gratiam nobis piæ devotionis obtineat, & effectum beatæ perennitatis acquirat.

*Pro S. Telesphoro Secreta.*

**M**unera tibi Domine, dicata sanctifica: & intercedete beato Telesphoro martyre tuo atque Pontifice, per eadem nos placatus intende. Per Dominum nostrum.

*Communio.* Fidelis servus & prudens, quem constituit Dominus super familiam suam: ut det illis in tempore tritici mensuram.

*Postcommunio.*

**P**rotegat nos Domine, cum tui perceptione Sacramenti beatus Severinus Abbas, pro nobis intercedendo: ut & conversationis ejus experiamur insignia, & intercessionis ipsius percipiamus suffragia. Per Dominum nostrum.

Pro

1dXVII-20.599 A

38-D-2023



Pro Vigilia Epiphaniæ.

Postcommunio.

PER hujus Domine, operationem mysterij, & vitia nostra purgentur, & iusta desideria compleantur.

Pro S. Telesphoro.

Postcommunio.

REfecti participatione muneris sacri, quæsumus Domine Deus noster, ut cujus exequimur cultum, intercedente beato Telesphoro martyre tuo atque Pontifice, sentiamus effectum. Per Dominum nostrum.

IN FESTO S. VALENTINI, Episcopi & Confessoris.

Introitus.

**S**Tatuit ei Dominus testamentum pacis, & Principem fecit eum: ut sit illi Sacerdotij dignitas in æternum.

*Psalms.* Memento Domine David, & omnis mansuetudinis ejus. *ψ.* Gloria Patri.

ORATIO.

PROpitare, quæsumus Domine, nobis famulis tuis, per beati Valentini Confessoris tui atque Pontificis merita gloriosa: ut ejus pia intercessione ab omnibus protegamur adversis. Per Dominum.

*Et fit Commemoratio de Octava Epiphaniæ.*

ORATIO.

DEUS, qui hodierna die In- genitum tuum gentibus stella duce revelasti: concede propitius: ut, qui jam te ex fide cognovimus, usque ad cõtemplandam speciem tuæ celsitudinis perducamur.

Per eundem Dominum.

*Lectio Libri Sapientiæ.*

ECce Sacerdos magnus, qui in diebus suis placuit Deo, & inventus est justus: & in tempore iracundiæ factus est reconciliatio. Non est inventus similis illi, qui conservaret legem Excelsi. Ideò jure jurando fecit illum Dominus crescere in plebem suam. Benedictionem omnium gentium dedit illi, & Testamentum suum confirmavit super caput ejus. Cognovit eum in benedictionibus suis: conservavit illi misericordiam suam: & invenit gratiam coram oculis Domini. Magnificavit eum in conspectu regum: & dedit illi coronam gloriæ. Statuit illi testamentum sempiternum: & dedit illi Sacerdotium magnum: & beatificavit illum in gloria. Fungi Sacerdotio, & habere laudem in nomine ipsius: & offerre illi incensum dignum in odorem suavitatis.

*Graduale.* Ecce Sacerdos magnus, qui in diebus suis

7. Januarius.

Eccles. 45.

Psalms 131.

Eccles. 44. 45.

ibid.



placuit Deo. *ψ*. Non est inventus similis illi, qui conservaret legem Excelsi. Alleluja, alleluja *ψ*. Tu es Sacerdos in æternum, secundum Ordinem Melchisedech, alleluja.

*Psal.*  
109.

*Sequentia sancti Evangelij secundum Matthæum.*

*Matt.*  
25.

**I**n illo tempore dixit Jesus Discipulis suis parabolam hanc: Homo quidam peregrè proficiscens vocavit servos suos, & tradidit illis bona sua. Et uni dedit quinque talenta, alij autem duo, alij verò unum: unicuique secundum propriam virtutem: & profectus est statim. Abiit autem qui quinque talenta accéperat, & operatus est in eis, & lucratus est alia quinque; similiter & qui duo accéperat, lucratus est alia duo. Qui autem unum accéperat, abiens fodit in terram, & abscondit pecuniam domini sui. Post multum verò temporis venit dominus servorum illorum, & posuit rationem cum eis. Et accedens qui quinque talenta accéperat, obtulit alia quinque talenta, dicens: Domine, quinque talēta tradidisti mihi: ecce alia quinque superlucratus sum. Ait illi dominus ejus: Euge serve bone & fidelis, quia in pauca fuisti

fidelis, supra multa te constituam: intra in gaudium Domini tui. Accessit autem, & qui duo talenta accéperat, & ait: Domine, duo talenta tradidisti mihi: ecce alia duo lucratus sum. Ait illi Dominus ejus: Euge serve bone & fidelis: quia super pauca fuisti fidelis, supra multa te constituam: intra in gaudium Domini tui.

*Offertorium.* Inveni David servum meum, Oleo sancto meo unxi eum: manus enim mea auxiliabitur ei, & brachium meum confortabit eum.

*Psal.*  
88.

*Secreta.*

**S**ancti Valentini Confessoris tui atque Pontificis, quæsumus Domine, annua solemnitas pietati tuæ nos reddat acceptos: ut per hæc piæ placationis officia, & illum beata retributio comitetur, & nobis gratiæ tuæ dona conciliet. Per Dominum nostrum.

*Pro Octava Epiphaniæ.*

*Secreta.*

**E**cclésiæ tuæ, quæsumus Domine, dona propitius intueri: quibus non jam aurum, thus & myrrha proferatur: sed quod eisdem muneribus declaratur, immolatur & sumitur, Jesus Christus fi-

lius



lius tuus Dominus noster.  
Qui tecum.

*Præfatio de Epiphania.*

Luc. 12

*Communio.* Fidelis servus  
& prudens, quem constituit  
Dominus super familiam su-  
am: ut det illis in tempore  
tritici mensuram.

*Postcommunio.*

**D**EUS fidelium remunera-  
tor animarum, præsta: ut be-  
ati Valentini Confessoris tui  
atque Pontificis, cujus ve-  
nerandam celebramus festi-  
vitatem, precibus indulgen-  
tiam cōsequamur. Per Dom.

*Pro Octava Epiphaniæ.*

*Postcommunio.*

**P**Ræsta quæsumus omni-  
potens DEUS: ut quæ solempni  
celebramus officio, purifica-  
tæ mentis intelligentia con-  
sequamur. Per Dominum.

1. Jan.

*In Cathedrali Ecclesia per  
Octavam Epiphaniæ fit Comme-  
moratio de Octava S. Valentini.*

4. Jan.

**I**N DIE OCTAVA S. VA-  
lentini dicitur Missa sicut in ejus fe-  
sto cum commemoratione S. Feli-  
cis. Festum autem S. Hilarij  
transfertur.

*Pro commemoratione S. Felicis  
Presbyteri & Martyris.*

**ORATIO.**

**C**ONcede quæsumus omni-  
potens DEUS: ut ad melio-  
rem vitam, Sanctorum tuo-  
rum exempla nos provo-

cent: quatenus quorum so-  
lemnia agimus, etiam actus  
imitemur. Per Dominum.

*Secreta.*

**H**OSTIAS tibi Domine, beati  
Felicis Martyris tui dicatas  
meritis, benignus assume:  
& ad perpetuum nobis tri-  
bue provenire subsidium.  
Per Dominum nostrum.

*Postcommunio.*

**Q**UÆSUMUS Domine, salu-  
taribus repleti mysteriis: ut  
beati Felicis martyris tui, cu-  
jus solempnia celebramus, o-  
rationibus adjuvemur. Per  
Dominum nostrum.

**I**N FESTO S. VIGILII,  
Episcopi & Martyris.

31. Ja-  
nuarij.

*Introitus.*

**S**Tatuit ei Dominus testa-  
mentum pacis, & Princi-  
pem fecit eum: ut sit illi  
Sacerdotij dignitas in æter-  
num.

Ecclef.  
45.

*Psalms.* Memento Domine  
David: & omnis mansuetu-  
dinis ejus. v. Gloria Patri.

Psalms.  
131.

**ORATIO.**

**D**EUS, qui hunc diem nobis  
beati VIGILII martyris tui at-  
que Pontificis sanguine con-  
secrasti: da quæsumus, ut e-  
jus meritis ab omnibus sem-  
per adversis defensi, æternæ  
vitæ præmia consequamur.  
Per Dominum nostrum.



*Lectio Epistolæ beati Pauli Apostoli ad Corinthios.*

<sup>2. Cor.</sup>  
<sup>3.</sup> **F**RATRES. Benedictus DEUS & Pater Domini nostri JESU Christi: Pater misericordiarum, & DEUS totius consolationis: qui consolatur nos in omni tribulatione nostra: ut possimus & ipsi consolari eos, qui in omni pressura sunt, per exhortationem, quâ exhortamur & ipsi à DEO. Quoniam sicut abundant passiones Christi in nobis: ita & per Christum abundat consolatio nostra. Sive autem tribulamur, pro vestra exhortatione & salute: sive consolamur, pro vestra consolatione: sive exhortamur, pro vestra exhortatione & salute: quæ operatur tolerantiam earundem passionum, quas & nos patimur: ut spes nostra firma sit pro vobis: scientes, quoniam sicut focij passionum estis, sic eritis & consolationis: in Christo Jesu Domino nostro.

<sup>Psalms.</sup>  
<sup>88.</sup> *Graduale.* Inveni David fervum meum, Oleo sancto meo unxi eum: manus enim mea auxiliabitur ei, & brachium meum confortabit eum. *ψ.*

<sup>Psalms.</sup>  
<sup>109.</sup> Nihil proficiet inimicus in eo, & filius iniquitatis non nocebit ei. Alleluja, alleluja. *ψ.* Tu es Sacerdos in æter-

num, secundum ordinem Melchisedech. Alleluja.

*¶ Si hoc Festum venerit post Septuagesimam, omisso Alleluja. & Versu sequenti, dicitur Tractus.*

Desiderium animæ ejus tribuisti ei, & volūtate labiorum ejus non fraudasti eum. *ψ.* Quoniam prævenisti eum in benedictionibus dulcedinis. *ψ.* Posuisti in capite ejus coronam de lapide pretioso.

*Evangelium.* Si quis vult venire post me. *Ex Missa de communi unius Mart. Pont. quæ incipit.* Sacerdotes Dei, &c.

*Offertorium.* Veritas mea, & misericordia mea cum ipso: & in nomine meo exaltabitur cornu ejus.

*Secreta.*

**H**OSTIAS tibi Domine, beati Vigilij martyris atq; Pontificis dicatas meritis benignus assume: & ad perpetuum nobis tribue provenire subsidium. Per Dominum nostrum.

*Communio.* Semel juravi in sancto meo, semen ejus in æternum manebit: & sedes ejus sicut Sol in conspectu meo, & sicut luna perfecta in æternum: & testis in cælo fidelis.

*Postcommunio.*

**R**Efecti participatione muneris sacri, quæsumus Domi-

ne



ne DEUS noster, ut cujus exequimur cultum, intercedente beato Vigilio martyre tuo atque Pontifice, sentiamus effectum. Per Dominum nostrum.

**FESTA FEBRUARII.**

**IN FESTO S. IGNATII,** Episcopi & Martyris.

*Cujus Missa propria habetur prima Februarij, ut supra mense Februario fit Commemoratio*

*S. Brigide Virginis.*

*Oratio, pro S. Brigida.*

**EX**audi nos DEUS salutaris noster: ut sicut de beatæ Brigide Virginis tuæ festivitate gaudemus: ita piæ devotionis erudiamur affectu. Per Dominum nostrum.

*Secreta.*

**AC**cepta tibi sit Domine, sacratæ plebis oblatio pro tuorum honore Sanctorum: quorum se meritis de tribulatione percepisse cognoscit auxilium. Per Dominum.

*Postcommunio.*

**S**atiasti Domine, familiam tuam muneribus sacris: ejus quæsumus semper interventione nos refove, cujus solemniam celebramus. Per Dominum.

**SANCTÆ SCHOLASTICÆ,** Virginis.

*Missa, Vultum tuum. De Comuni Virginum tantum.*

**FESTA MARTII.**

**IN FESTO CUNEGUNDIS.**

*Missa, Dilexisti justitiam. De Comuni Virginum tantum.*

**IN FESTO S. GERTRUDIS,** Virginis.

*Missa, Dilexisti justitiam. De Comuni Virginum tantum. Si hoc Festum venerit in Quadragesima, de eo tantum fit Commemoratio.*

**IN FESTO S. RUPERTI,** Episcopi & Confessoris.

*Missa, Statuit ei Dominus. De Comuni Confessoris Pontificis.*

**FESTA MAII.**

**IN FESTO SANCTORUM** Apostolorum Philippi & Jacobi.

*Missa ut supra in Festis SS. 1. die Maij, & fit commemoratio S. Walburgæ Virginis, in Missis privatis tantum.*

**ORATIO.**

**EX**audi nos DEUS salutaris noster: ut sicut de beatæ Walburgæ Virginis tuæ festivitate gaudemus: ita piæ devotionis erudiamur affectu. Per Dominum nostrum.

*Secreta.*

**AC**cepta tibi sit, Domine, sacratæ plebis oblatio, pro

tuo-

3. Mar  
19.

16.  
Mart.

27.  
Mart.

1.  
Maij.

1. Febr

20. Fe-  
bruar.



tuorum honore Sanctorum: quorum se meritis de tribulatione percepisse cognoscit auxilium. Per Dominum.

*Postcommunio.*

Satiasti Domine familiam tuam muneribus sacris: ejus quæsumus semper interventione nos refove, cujus solēnia celebramus. Per Dom.

4.  
Maij.

IN FESTO SANCTORUM Floriani & Sociorum Martyrum.

*Introitus.*

Psalm.  
144.



Sancti tui Domine benedicent te: gloriam regni tui dicent, Alleluja, alleluja.

ibid.

*Psalm.* Exaltabo te DEUS meus Rex: & benedicam nomini tuo in sæculum, & in sæculum sæculi. Gloria Patri.

ORATIO.

DEUS, qui nos cōcedis sanctorum Martyrum tuorum Floriani & Sociorum natalitia colore: da nobis in æterna beatitudine de eorum societate gaudere. Per Dominum nostrum.

*Pro Commemoratione S. Monicæ viduæ.*

ORATIO.

EXaudi nos DEUS salutaris noster: ut sicut de beatæ Monicæ festivitate gaudeamus: ita piæ devotionis eru-

diamur affectu. Per Dominum nostrum.

*Epist.* Benedictus Deus, & Pater Domini nostri. *Ex Communi martyrum tempore Paschali.*

Alleluja, alleluja. *Psalm.* Sancti tui Domine florebut sicut lili-um, & sicut odor balsami erunt ante te. Alleluia. *Psalm.* Pretiosa in conspectu Domini, mors Sanctorum ejus. Allel.

Psalm.  
115.

*Evangelium.* Ego sum vitis: vos palmites. *Ex Communi Martyrum tempore Paschali.*

*Offertorium.* Lætamini in Domino, & exultate justi: & gloriamini omnes recti corde. Alleluja, alleluja.

Psalm.  
13.

*Secreta.*

OBlati quæsumus Domine, placare muneribus: & intercedentibus sanctis martyribus tuis Floriano & Sociis, à cunctis nos defende periculis. Per Dominum nostrum.

*Pro S. Monica Secreta.*

ACCEPTA tibi sit Domine, sacratæ plebis oblatio, pro tuorum honore Sanctorum: quorum se meritis percepisse de tribulatione cognoscit auxilium. Per Dominum nostrum.

*Communio.* Gaudete justi in Domino, alleluja: rectos decet collaudatio, alleluja.

Psalm.  
32.



*Postcommunio.*

PRæsta nobis, quæsumus Domine, intercedentibus sanctis martyribus tuis Floriano & Sociis: ut quod ore contingimus, purâ mente capiamus. Per Dominum.

*Pro S. Monica, Postcommunio.*

SAtiasti Domine familiam tuam muneribus sacris: ejus quæsumus semper interventione nos refove: cujus solemnia celebramus. Per Dominum nostrum.

IN FESTO S. GOTTHARDI, Episc. & Conf.

*Introitus.*

**S**acerdotes tui Domine induant justitiam: & Sancti tui exultent: propter David servum tuum, non avertas faciem Christi tui, Alleluja, allel.

*Psalms.* Memento Domine David: & omnis mansuetudinis ejus. *v.* Gloria Patri.

## ORATIO.

EXaudi quæsumus Domine, preces nostras, quas in beati GOTTHARDI Confessoris tui atque Pontificis solemnitate deferimus: & qui tibi dignè meruit famulari, ejus intercedentibus meritis ab omnibus nos absolve peccatis. Per Dominum nostrum.

*Lectio Epistolæ beati Pauli Apostoli ad Hebræos.*Hebr.  
13.

FRatres. Mementote præpositorum vestrorum, qui vobis locuti sunt verbum DEI: quorum intuentes exitum conversationis, imitami fidem. JESUS Christus heri & hodie: ipse & in sæcula. Doctrinis variis & peregrinis nolite abduci. Optimum est enim gratiâ stabilire cor, non escis, quæ non profuerunt ambulanti in eis. Habemus altare: de quo edere non habent potestatem, qui Tabernaculo deserviunt. Quorum enim animalium infertur sanguis, pro peccato in sancta, per Pontificem, horum corpora cremantur extra castra. Propter quod & JESUS, ut sanctificaret per suum sanguinem populum, extra portam passus est. Exeamus igitur ad eum extra castra, improprium ejus portantes. Non enim habemus hic manentem civitatem: sed futuram inquirimus. Per ipsum ergo offeramus hostiam laudis semper DEO, id est, fructum labiorum confitentium nomini ejus. Beneficiæ autem & communionis nolite oblivisci: talibus enim hostiis promeretur DEUS. Obedite præpositis vestris, &

B

sub-



subjacete eis. Ipsi enim per-  
vigilant, quasi rationem pro  
animabus vestris reddituri.

*Psalms.*  
109.  
Alleluja, alleluja. *ψ.* Jura-  
vit Dominus, & non pœnite-  
bit eum: tu es Sacerdos in æ-  
ternum secundum ordinem  
Melchisedech. Alleluja. *ψ.*  
*Eccles.*  
45.  
Amavit eum Dominus, & or-  
navit eum: Stola gloria in-  
duit eum. Alleluja.

*Sequentia sancti Evangelij secun-  
dum Matthæum.*

*Matt.*  
24.  
**I**N illo tempore dixit JESUS  
Discipulis suis: Vigilate, quia  
nescitis quâ horâ Dominus  
vester venturus sit. Illud au-  
tem scitote, quoniam si sciret  
pater familias, quâ horâ fur  
venturus esset: vigilaret uti-  
que, & non sineret perfodi-  
domum suam. Ideo & vos e-  
stote parati: quia nescitis quâ  
horâ Filius hominis ventu-  
rus sit. Quis putas, est fide-  
lis servus & prudens, quem  
constituit Dominus super fa-  
miliam suam, ut det illis ci-  
bum in tempore? Beatus ille  
servus, quem cum venerit  
Dominus ejus, invenerit sic  
facientem. Amen dico vo-  
bis, quoniam super omnia  
bona sua constituet eum.

*Psalms.*  
88.  
*Offertorium.* Veritas mea &  
misericordia mea cum ipso:  
& in nomine meo exaltabi-  
tur cornu ejus.

*Secreta.*

**S**ANCTI Gotthardi Confesso-  
ris tui atque Pontificis, quæ-  
sumus Domine, annua solem-  
nitas pietati tuæ nos reddat  
acceptos: ut per hæc piæ  
placationis officia, & illum  
beata retributio comitetur,  
& nobis gratiæ tuæ dona cõ-  
ciliet. Per Dominum nostrum.

*Communio.* Beatus servus,  
quem cum venerit Dominus,  
invenerit vigilantem: Amen  
dico vobis, super omnia bo-  
na sua constituet eum. *Matt.*  
24.

*Postcommunio.*

**D**EUS fidelium remunera-  
tor animarum, præsta, ut bea-  
ti Gotthardi Confessoris tui  
atque Pontificis, cujus vene-  
randam celebramus festivi-  
tatem, precibus indulgenti-  
am consequamur. Per Domi-  
num nostrum.

*FESTA JUNII.*

**I**N FESTO S. PAVLI-  
NI, Episc. & Confess. *22. Junij.*

*Missæ ut supra in festis Ss. 22. Junij,  
& fit commemoratio sanctorum  
Achatij & sociorum martyrum.*

*Pro Commemoratione Ss. A-  
chatij & sociorum martyrum.*

*ORATIO.*

**D**EUS, qui nos cõcedis san-  
ctorum martyrum tuorum A-  
chatij & sociorum natalitia  
colere: da nobis in æterna  
bea-



beatitudine de eorum societate gaudere. Per Dominum.

*Secreta.*

MUnera tibi Domine, nostræ devotionis offerimus: quæ & pro tuorum tibi grata sint honore justorum, & nobis salutaria, te miserante, reddantur. Per Dominum.

*Postcommunio.*

PRæsta nobis, quæsumus Domine, intercedentibus sanctis martyribus tuis Achatio & sociis: ut quod ore contingimus, purâ mente capiamus. Per Dominum.

FESTA JULII.

4. Julij.

IN FESTO S. UDALRICI, Episcopi & Confess.

*Introitus.*

Psalm.  
131.

**S**Acerdotes tui Domine induant justitiam: & Sancti tui exultent: propter David servum tuum, non avertas faciem Christi tui.

ibid.

*Psalm.* Memento Domine David: & omnis mansuetudinis ejus. *v.* Gloria Patri.

ORATIO.

EXaudi quæsumus Domine, preces nostras, quas in beati UDALRICI Confessoris tui atque Pontificis solemnitate deferimus: & qui tibi dignè meruit famulari, ejus intercedentibus meritis ab

omnibus nos absolve peccatis. Per Dominum nostrum.

*Pro Commemoratione SS. Apostolorum Petri & Pauli.*

ORATIO.

DEus, qui hodiernam diem Apostolorum tuorum Petri & Pauli martyrio consecrasti: da Ecclesiæ tuæ, eorum in omnibus sequi præceptum, per quos religionis sumpsit exordium. Per Dominum nostrum.

*Lectio Epistolæ beati Pauli Apostoli ad Hebræos.*

FRatres. Plures facti sunt sacerdotes secundum legem, idcirco quòd morte prohiberentur permanere. Jesus autem, eò quòd maneat in æternum, sempiternum habet sacerdotium. Unde & salvare in perpetuum potest accedentes per semetipsum ad DEUM: semper vivens ad interpellandum pro nobis. Talis enim decebat, ut nobis esset pontifex, sanctus, innocens, impollutus, segregatus à peccatoribus, & excelsior cœlis factus. Qui non habet necessitatem quotidie; quæ admodum sacerdotes, prius pro suis delictis hostias offerre, deinde pro populi. Hoc enim fecit semel, seipsum offerendo, Jesus Christus Dominus noster.

Hebr.  
7.



Psalm.  
131.

*Graduale.* Sacerdotes ejus induam salutari : & sancti ejus exultatione exultabunt. *ψ.* Illic producam cornu David : paravi lucernam Christo meo. Alleluja, alleluja. *ψ.* Juravit Dominus, & non poenitebit eum : tu es sacerdos in æternum secundum ordinem Melchisedech. Alleluja. *ψ.* Amavit eum Dominus, & ornavit eum : stolam gloriæ induit eum. Alleluja.

*Evangelium.* Sint lumbi vestri præcincti. *Ex Communi Confess. non Pontif.*

Ps. 98.

*Offertorium.* Veritas mea & misericordia mea cum ipso : & in nomine meo exaltabitur cornu ejus.

*Secreta.*

**S**ancti Udalrici Confessoris tui atq; Pontificis, quæsumus Domine, annua solemnitas pietati tuæ nos reddat acceptos : ut per hæc piæ placationis officia, & illum beata retributio comitetur, & nobis gratiæ tuæ dona conciliet. Per Dominum nostrum.

*Pro Ss. Apostolis Petro & Paulo.**Secreta.*

**H**ostias Domine, quas nomini tuo sacrandas offerimus, Apostolica prosequatur oratio : per quam nos expiari tribuas & defendi. Per Dominum nostrum.

*Præfatio de Apostolis.*

*Communio.* Beatus servus, quem cum venerit Dominus, invenerit vigilantem : Amen dico vobis, super omnia bona sua constituet eum.

*Postcommunio.*

**D**Eus fidelium remunerator animarum, præsta, ut beati Udalrici Confessoris tui atque Pontificis, cujus venerandam celebramus festivitatem, precibus indulgentiam consequamur. Per Dominum nostrum.

*Pro Ss. Apostolis Petro & Paulo.**Postcommunio.*

**Q**uos cœlesti Domine, alimento satiasti : Apostolicis intercessionibus ab omni adversitate custodi. Per Dom.

**I**N FESTO S. MARGARITÆ Virginis & Martyris.

*Missæ.* Me expectaverunt. *De Communi Virginum & martyrum, & sit Commemoratio Sanctorum Naboris & Felicis martyrum.*

*ORATIO.*

**P**ræsta quæsumus Domine, ut sicut nos sanctorum martyrum tuorum Naboris & Felicis natalicia celebranda nõ deferunt : ita jugiter suffragijs comitentur. Per Dom.

*¶ Pro Commemoratione sancti Joannis Gualberti, Abbatis.*

*ORATIO.*

**I**ntercessio nos, quæsumus

Do-



Domine, beati Joannis Gualberti Abbatis commendet: ut quod nostris meritis non valemus, ejus patrocinio assequamur. Per Dominum.

*Pro Ss. Nabore & Felice.*

*Secreta.*

Munera plebis tuæ, quæsumus Domine, sanctorum martyrum Naboris & Felicis fiant grata suffragijs: & quorum triumphis tuo nomini offeruntur, ipsorum digna perficiantur & meritis. Per.

*Pro S. Joanne Gualberto, Abbate.*

*Secreta.*

Præsta nobis, quæsumus omnipotens Deus: ut nostræ humilitatis oblatio, & pro tuorum tibi grata sit honore sanctorum, & nos corpore pariter & mente purificet. Per Dominum nostrum.

*Pro Ss. Nabore & Felice.*

*Postcommunio.*

Natalitiis sanctorum tuorum, quæsumus Domine, ut Sacramentum munere vegetati, bonis, quibus per tuam gratiam nunc fovemur, perfruamur æternis. Per Dom.

*Pro S. Joanne Gualberto, Abbate.*

*Postcommunio.*

Protegat nos Domine, cum tui perceptione Sacramenti, beatus Joannes Gualbertus

Abbas, pro nobis intercedendo: ut & conversationis ejus experiamur insignia, & intercessionis percipiamus suffragia. Per Dominum.

IN FESTO S. HENRICI, Imperatoris & Confessoris.

*13. Jul.*

*Missæ. Os justi meditabitur sapientiam. Ex Communi Confessoris non Pontif. Festum verò sancti Anacleti transfertur.*

FESTA AUGUSTI. IN FESTO INVENTIONIS S. Stephani, Protomartyris.

*3. Augusti.*

*Ad Missam omnia dicuntur de Natali ejus, & ubi dicitur in oratione Natalitia celebramus, dicitur, Inventionem celebramus.*

*Præfatio Communis.*

IN TRANSLATIONE S. Valentini, Missa dicitur, ut in eisdem Festo 7. Januarij, horum Festorum priorum Passaviensium.

*4. Augusti.*

*Præfatio Communis.*

IN DEDICATIONE Ecclesie Passaviensis, Missa ut in Communi de Anniversario Dedicacionis Ecclesie.

*5. Augusti.*

¶ Tria hæc prædicta Festa, Inventionis, Translationis, & Dedicacionis celebrantur in Cathedrali Ecclesia cum Octavis: quarum in Festis occurrentibus, & translatis tantum fit Commemoratio: in die-



bus vero Octavis eorum dicitur  
Missa, ut in ipsis festis, præter Octa-  
vam Inventionis S. Stephani, cu-  
jus fit tantum Commemoratio in  
Festo S. Laurentij, sine commemo-  
ratione Dedicacionis.

7. Au-  
gusti.

IN DEDICATIONE  
S. MARIE ad Nives.

Missa. Salve sancta parens. Ut  
in Missis votivis beate Mariæ Vir-  
ginis, à Pentecoste usq; ad Adven-  
tum, & fit Commemoratio san-  
ctæ Afræ Martyris.

## O R A T I O.

DEUS, qui inter cætera po-  
tentia tuæ miracula, etiam in  
sexu fragili victoriam mar-  
tyrij contulisti: concede pro-  
pitius, ut qui beatæ AFRÆ  
martyris tuæ natalitia colim-  
us, per ejus ad te exempla  
gradiamur. Per Dominum.  
Deinde S. Donati, Episc. & Martyr.

## O R A T I O.

DEUS tuorum gloria sacer-  
dotum: præsta quæsumus, ut  
sancti martyris tui & Episco-  
pi DONATI, cujus festa geri-  
mus, sentiamus auxilium.  
Per Dominum nostrum.

Pro S. Afræ.

Secreta.

SUScipe Domine munera,  
quæ in beatæ AFRÆ marty-  
ris tuæ solemnitate deferi-  
mus: cujus nos confidimus  
patrocinio liberari. Per.

Pro S. Donato.

Secreta.

PRÆsta quæsumus Domine:  
ut sancti martyris tui & Epi-  
scopi DONATI intercessione  
quem ad laudem nominis tui  
dicatis muneribus honora-  
mus, piæ nobis fructus devo-  
tionis accrescat. Per Dom.

Pro S. Afræ.

Postcommunio.

AUXilientur nobis Domine,  
sumpta mysteria: & interce-  
dente beata AFRA martyre  
tua: sempiterna faciant pro-  
tectione gaudere. Per Dom.

Pro S. Donato.

Postcommunio.

OMnipotens & misericors  
DEUS, qui nos Sacramento-  
rum tuorum, & particeps ef-  
ficis & ministros: Præsta quæ-  
sumus, ut intercedente bea-  
to DONATO martyre tuo atq;  
Pontifice, ejusdem proficia-  
mus & fidei consortio, & di-  
gne servitio. Per Dominum  
nostrum.

FESTA SEPTEMBRIS.  
INFESTO S. ANGE-  
LICUSTODIS.

Introitus.



Benedicite Domi-  
num omnes Ange-  
li ejus: potentes  
virtute, qui facitis  
verbum ejus, ad audiendam  
vocem sermonum ejus.

2. Sept.

Psalm.  
102.

Psalm.



Ibid.

*Psalms.* Benedic anima mea Domino: & omnia, quæ intra me sunt, nomini sancto ejus. *ψ.* Gloria Patri.

## ORATIO.

**D**EUS, qui ineffabili providentia sanctos Angelos tuos ad nostram custodiam mittere dignaris: largire supplicibus tuis, & eorum semper protectione defendi, & æternâ societate gaudere. Per Dominum nostrum.

*Lectio libri Exodi.*

Exod. 23.

**H**ÆC dicit Dominus Deus: Ecce ego mittam Angelum meum, qui præcedat te, & custodiat in via, & introducat in locum, quem paravi. Observa eum, & audi vocem ejus, nec cõtemnendum putes: quia non dimittet cum peccaveris, & est nomen meum in illo. Quod si audieris vocem ejus, & feceris omnia quæ loquor, inimicus ero inimicis tuis, & affligam affligentes te: præcedetque te Angelus meus.

Psalms. 90.

*Graduale.* Angelis suis DEUS mandavit de te, ut custodiant te in omnibus viis tuis. *ψ.* In manibus portabunt te, ne unquam offendas ad lapidem pedem tuum, Alleluja, alleluja. *ψ.* Benedicite Domino omnes virtutes ejus: ministri

Psalms. 132.

ejus, qui facitis voluntatem ejus. Alleluja.

*Post Septuagesimam, omisso Alleluja, & Versu sequenti dicitur Tractus.* Benedicite Dominum omnes Angeli ejus: potentes virtute, qui facitis verbum ejus. *ψ.* Benedicite Domino omnes virtutes ejus: ministri ejus, qui facitis voluntatem ejus. *ψ.* Benedicite Domino omnia opera ejus: in omni loco dominationis ejus, benedic anima mea Domino.

Ibid.

*Tempore Paschali omittitur Graduale, & ejus loco dicitur, Alleluja, alleluja. ψ.* In conspectu Angelorum psallam tibi: adorabo ad templum sanctum tuum, & confitebor nomini tuo. Alleluja. *ψ.* Angelus Domini descendit de cælo, & accedens revolvit lapidem, & sedebat super eum. Alleluja.

Psalms. 137.

Matt. 28.

*Sequentia sancti Evangelij secundum Mattheum.*

**I**N illo tempore: Accesserunt discipuli ad JESUM, dicentes: Quis, putas, major est in regno cælorum? Et advocans Jesum parvulum, statuit eum in medio eorum, & dixit: Amen dico vobis, nisi conversi fueritis, & efficiamini sicut parvuli, non intrabitis in regnum cælorum. Quicumque ergo humiliaverit se

Matt. 28.

sicut



ficut parvulus iſte, hic major eſt in regno cœlorum. Et qui ſuſceperit unum parvulum talem in nomine meo, me ſuſcipit. Qui autem ſcandalizaverit unum de puſillis iſtis, qui in me credunt, expedit ei, ut ſuspendatur mola aſinaria in collo ejus, & demergatur in profundum maris. Væ mundo à ſcandalis. Neceſſe eſt enim ut veniant ſcândala: verum tamen væ homini illi, per quem ſcandalum venit. Si autem manus tua, vel pes tuus ſcandalizat te, abſcide eum, & projice abſte: bonum tibi eſt ad vitam ingredi debilem, vel claudum, quàm duas manus, vel duos pedes habentem mitti in ignem æternum. Et ſi oculus tuus ſcandalizat te, erue eum, & projice abſte: bonum tibi eſt cum uno oculo in vitam intrare; quàm duos oculos habentem mitti in gehennam ignis. Videte ne cõtemnatis unum ex his puſillis: dico enim vobis, quia Angeli eorum in cœlis ſemper vident faciem Patris mei, qui in cœlis eſt. Credo.

*Pſalm.*  
102.

*Offertorium.* Benedicite Dominum omnes Angeli ejus: miniſtri ejus, qui facitis verbum ejus, ad audiendum vocem fermõnum ejus.

*Secreta.*

**S**Uſcipe Domine múnera, quæ pro ſanctõrum Angelõrum tuõrũ veneratiõne deferimus: & concède propitiuus: ut perpétuis eorum præſidiis, à præſentibus periculis liberemur, & ad vitam perveniãmus æternam. Per Do.

*Communio.* Benedicite omnes Angeli Domini Dominum: hymnum dicite, & ſuper exãltate eum in ſæcula.

*Postcommunio.*

**S**umpſimus Domine divina myſteria, ſanctõrum Angelõrum tuõrum feſtivate lætantes: quæ ſumus; ut eorum proteçtione ab hoſtium jugiter liberemur inſidiis, & contra omnia adverſa muniamur. Per Dominum noſtrum.

*INFRA OCTAVAM S. ANGELI Custodis, & in ejus die Octava fit idem Officium, quod in die Feſto, & infra Octavam dicitur ſecunda Oratio de B. Virgine, Concede.*

*Tertia Eccleſiæ, vel pro Papa.*

**I**N NATIVITATE B. *MARIÆ Virginis, (cujus Miſſa habetur ſupra in feſtis Menſis Septembris die 8.) in Miſſis privatis fit commemoratio S. ADRIANI martyris, & CORBINIANI Epiſcopi & Confefſoris.*

*Pro cõmemoratione S. Corbiniani.*

**ORA-**



ORATIO.

**D**Aquæsumus omnipotens DEUS: ut beati Corbiniani Confessoris tui atque Pontificis, veneranda solemnitas, & devotionem nobis augeat, & salutem. Per Dominum.

*Secreta.*

**S**ancti tui, quæsumus Domine, nos ubique lætificent: ut dum eorum merita recolimus, patrocinia sentiamus. Per Dominum nostrum.

*Postcommunio.*

**P**Ræsta quæsumus omnipotens DEUS: ut de perceptis muneribus gratias exhibentes, intercedente beato Corbiniano Confessore tuo atq; Pontifice, beneficia potiora sumamus. Per Dominum.

**IN OCTAVA S. ANGELI**

*11. Sep. Custodis, Missa ut in die, cum commemoratione Octavæ Nativitatis B. MARIÆ, & S. Gorgonij Martyris.*

**S. WENCESLAI Martyris.**

*29. Sep. Missa, In virtute tua. De communi unius Mart. non Pontif.*

**FESTA OCTOBRIS.**

**IN FESTO S. MAXIMILIANI Episcopi & Martyris.**

*12. Oct. Missa, Sacerdotes Dei. De Communi unius Mart. Pontif.*

*Evangelium. Si quis venit ad me. Ex Missa præcedenti in eodem Communi.*

**IN CATHEDRALI EC-**  
*clesia celebratur hoc Festum cum Octava: infra quam in Missa post primam Orationem diei, dicitur secunda Oratio de sancta MARIA, Concede nos. Tertia cõtra Persecutores Ecclesie; habentur post Dominicam in Albis.*

**IN FESTO S. COLO-**  
**MANNI, Martyris.**

*13. Oct.*

*Introitus.*

**I**N virtute tua Domine lætabitur justus, & super salutare tuum exultabit vehementer: desiderium animæ ejus tribuisti ei.

*Psalms. 20.*

*Psalms. Quoniam prævenisti eum in benedictionibus dulcedinis: posuisti in capite ejus coronam de lapide pretioso. y. Gloria Patri. In virtute tua.*

*Ibid.*

ORATIO.

**P**Ræsta quæsumus omnipotens DEUS: ut qui beati Colomanni martyris tui natalitia colimus: intercessione ejus in tui nominis amore robaremur. Per Dominum.

*Lectio Epistolæ beati Petri Apostoli.*

**IN FESTO S. MAXIMILIANI Episcopi & Martyris.**

**C**harissimi, Comunicantes Christi passionibus gaudete: ut & in revelatione gloriæ ejus gaudeatis exultantes. Si exprobrâmini in nomine Christi, beati eritis. quoniã quod est honoris, gloriæ, & virtutis DEI, & qui est ejus

*1. Petr. 4.*

C

spiri-



spiritus, super vos requiescit. Nemo autem vestrum patiatur ut homicidia, aut alienorum appetitor. Si autem ut Christianus: non erubescat: glorificet autem Deum in isto nomine. Quoniam tempus est, ut incipiat iudicium à domo Dei. Si autem primum à nobis: quis finis eorum, qui non credunt Dei Evangelio? Et, si iustus vix salvabitur: impius & peccator ubi parebunt? Itaque & hi, qui patiuntur secundum voluntatem Dei: fidei creatori commendent animas suas in benefactis.

*Pf. III.* *Graduale.* Beatus vir qui timet Dominum, in mandatis eius cupit nimis. *Ps.* Potens in terra erit semen eius: generatio rectorum benedicetur. Alleluja, alleluja. *Ps.* Posuisti Domine super caput eius coronam de lapide pretioso. Alleluja.

*Sequentia sancti Evangelij secundum Mattheum.*

*Matt.* *16.* **I**N illo tempore: Dixit Jesus Discipulis suis. Si quis vult venire post me, abneget semetipsum, & tollat crucem suam, & sequatur me. Qui enim voluerit animam suam salvam facere, perdet eam. Qui autem perdidit animam suam propter me, inveniet eam. Quid enim pro-

dest homini, si universum mundum lucretur, animæ vero suæ detrimentum patiatur? Aut quam dabit homo commutationem pro anima sua? Filius enim hominis venturus est in gloria Patris sui cum Angelis suis, & tunc reddet unicuique secundum opera eius.

*Offertorium.* Gloria & honore coronasti eum: & constituisti eum super opera manuum tuarum Domine.

*Secreta.*

**M**uneribus nostris, quæsumus Domine, precibusque susceptis, & cœlestibus nominanda mysteriis: & clementer exaudi. Per Dominum.

*Communio.* Qui vult venire post me, abneget semetipsum, & tollat crucem suam, & sequatur me.

*Postcommunio.*

**D**A quæsumus Domine, Deus noster: ut sicut tuorum Commemoratione Sanctorum, temporali gratulamur officio. ita perpetuo lætemur aspectu. Per Dominum nostrum.

**I**N FESTO S. CALLISTI, Papæ & Martyris.

*Missæ supra in Festis mensis Octobris die 14. pro Commemoratione S. Burchardi, Episcopi & Confessoris.*

Da



## ORATIO.

**D**A quæsumus omnipotens DEUS : ut beati Burchardi Confessoris tui atque Pontificis veneranda solemnitas, & devotionem nobis augeat & salutem. Per Dominum.

*Secreta.*

**S**ancti tui, quæsumus Domine, nos ubique lætificent: ut dum eorum merita recolimus, patrocinia sentiamus. Per Dominum nostrum.

*Postcommunio.*

**P**Ræsta quæsumus omnipotens Deus : ut de perceptis muneribus gratias exhibentes, intercedente beato Burchardo Confessore tuo atq; Pontifice, beneficia potiora sumamus. Per Dominum.

**SANCTI GALLI,**  
Abbatis.

*Missæ, Os justi. De Communi pro Abbatibus.*

**IN FESTO SS. URSULÆ,**  
& Sociarum Virg.  
& Martyr.

*Introitus.*

**M**E expectaverunt peccatores, ut perderent me: testimonia tua Domine intellexi : omnis consummationis vidi finem: latum mandatum tuum nimis.

*Psalms.* Beati immaculati in via: qui ambulant in lege Do-

mini. y. Gloria Patri. Me expectaverunt.

## ORATIO.

**D**A nobis, quæsumus Domine, sanctarum Virginum & martyrum tuarum Vrsulæ & sociarum ejus, palmas incessabili devotione venerari: ut quas digna mente non possumus celebrare, humilibus saltem frequentemus obsequiis. Per Dominum nostrum Jesum Christum.

*Pro Commemoratione S. Hilarionis, Abbatis.*

**I**ntercessio nos quæsumus Domine, beati HILARIONIS Abbatis comendat: ut quod nostris meritis non valemus, ejus patrocinio assequamur. Per Dominum nostrum.

*Lectio Epistolæ beati Pauli Apostoli ad Corinthios.*

**F**Ratres. De Virginibus præceptum Domini non habeo, consilium autem do, tanquam misericordiam consecutus à Domino, ut sim fidelis. Existimo ergò hoc bonum esse propter instantem necessitatem, quoniam bonum est homini sic esse. Alligatus es uxori? noli quærere solutionem. Solutus es ab uxore? noli quærere uxorem: Si autem acceperis uxorem, non peccasti. Et si nupserit Virgo, non peccavit

i. Cor.  
7.

16. O.  
Octob.

21. O.  
Octob.

ibid.



Tribulationem tamen carnis habebunt hujusmodi. Ego autem vobis parco. Hoc itaque dico, fratres: tempus breve est. Reliquum est, ut & qui habent uxores, tanquam non habentes sint: & qui flent, tanquam non flentes: & qui gaudent, tanquam non gaudentes: & qui emunt, tanquam non possidentes: & qui utuntur hoc mundo, tanquam non utantur. Præterit enim figura hujus mundi. Volo autem vos sine sollicitudine esse. Qui sine uxore est, sollicitus est quæ Domini sunt, quomodo placeat Deo. Qui autem cum uxore est, sollicitus est quæ sunt mundi, quomodo placeat uxori: & divisus est. Et mulier innupta & virgo cogitat quæ Domini sunt: ut sit sancta & corpore & spiritu, in Christo JESU Domino nostro.

*Psalms.*  
44.

*Graduale.* Adjuvabit eam Deus vultu suo: Deus in medio ejus non commovebitur. *ψ.* Fluminis impetus lætificat civitatem Dei: sanctificavit Tabernaculum suum Altissimus. Alleluja, alleluja. *ψ.* Hæc est virgo sapiens, & una de numero prudentum. Alleluja.

*Matt.*  
25.

*Sequentia sancti Evangelij secundum Matthæum.*

**I**N illo tempore dixit JESUS Discipulis suis Parabolam hanc. Simile est Regnum cælorum decem Virginibus: quæ accipientes lampades suas, exierunt obviam sponso & sponsæ. Quinque autem ex eis erant fatuæ, & quinque prudētes. Sed quinque fatuæ, acceptis lampadibus non sumpserunt oleum secum. Prudentes verò accepērunt oleum in vasis suis cum lampadibus. Moram autem faciente sponso, dormitavērunt omnes & dormiērunt. Media autem nocte clamor factus est: Ecce sponsus venit, exite obviam ei. Tunc surrexērunt omnes virgines illæ, & ornavērunt lampades suas. Fatuæ autem sapientibus dixerunt: Date nobis de oleo vestro: quia lampades nostræ extinguuntur. Responderunt prudentes, dicentes: Ne fortè non sufficiat nobis & vobis: ite potius ad vendētes, & emite vobis. Dum autem irent emere, venit Sponsus, & quæ paratæ erant, intravērunt cum eo ad nuptias, & clausa est janua. Novissimè verò veniunt & reliquæ virgines, dicentes: Domine, Domine aperi nobis. At ille respondens, ait: Amen dico vobis, nescio



vos. Vigilate itaque, quia nescitis diem, neque horam.

*Ps. 44.* *Offertorium.* Afferentur regi virgines post eam: proxima ejus afferentur tibi.

*Secreta.*

**I**Ntende quæsumus Domine, munera altaribus tuis pro sanctarum martyrum & virginum Ursulæ & sociarum ejus festivitate proposita: ut sicut per hæc beata mysteria illis gloriam contulisti, ita nobis indulgentiam largiaris. Per Dominum nostrum.

*Pro S. Hilarione.*

*Secreta.*

**S**acris altaribus Domine, hostias superpositas sanctus Hilarion Abbas, quæsumus, in salutem nobis provenire deposcat. Per Dominum.

*Communio.* Confundantur superbi, quia injustè iniquitatem fecerunt in me: ego autem in mandatis tuis exercebor, in tuis justificationibus, ut non confundar.

*Postcommunio.*

**P**Ræsta nobis quæsumus Domine, intercedentibus sanctis martyribus & virginibus tuis: ut quod ore contingimus, purâ mente capiamus. Per Dominum nostrum.

*Pro S. Hilarione, Abbate.*

*Postcommunio.*

**P**rotegat nos Domine, cum

tui perceptione Sacramenti beatus Hilarion Abbas pro nobis intercedendo: ut & conversationis ejus experiamur insignia, & intercessionis ipsius percipiamus suffragia. Per Dominum nostrum Jesum Christum.

**I**N FESTO S. WOLF-<sup>31. OCT</sup>  
GANGI, Episcopi & Confessoris.

*Missæ, Sacerdotes tui. De Communi Confessorum Pontif.*

*Et fit Commemoratio Vigiliæ omnium Sanctorum. Cujus Missa propria habetur supra.*

*Oratio pro Commemoratione Vigiliæ.*

**D**omine Deus noster, multiplica super nos gratiam tuam, & quorum prævenimus gloriosa solemnia, tribue subsequi in sancta professione lætitiâ.

*Tertia Oratio de Spiritu Sancto.*

**D**eus qui corda fidelium, Sancti Spiritus illustratione docuisti: da nobis in eodem Spiritu recta sapere, & de ejus semper consolatione gaudere. Per Dominum nostrum Jesum Christum filium tuum, qui tecum vivit & regnat in unitate ejusdem Spiritus Sancti Deus.

*Pro Vigilia omnium Sanctorum.*

*Secreta.*

**A**Ltare tuum Domine, mu-



neribus cumulamus oblatis: da quæsumus: ut ad salutem nostram, omnium Sanctorum tuorum precatione proficiant, quorum solemnia ventura præcurrimus. Per Dominum nostrum.

*De S. Spiritu.*

*Secreta.*

**M**Unera, quæsumus Domine, oblata sanctifica: & corda nostra Sancti Spiritus illustratione emunda. Per Dominum. in unitate ejusdem Spiritus Sancti Deus.

*Pro Vigilia omnium Sanctorum.*

*Postcommunio.*

**S**acramentis Domine, & gaudiis optatæ celebritatis expletis, quæsumus, ut eorum precibus adjuvemur, quorum recordationibus exhibentur. Per Dominum.

*De S. Spiritu.*

*Postcommunio.*

**S**ancti Spiritus Domine, corda nostramundet infusio: & sui roris intima aspersione fæcundet. Per Dominum nostrum **JESUM** Christum filium tuum, qui tecum vivit & regnat in unitate ejusdem Spiritus Sancti Deus.

**FESTA NOVEBRIS.**

*Post Orationem de omnibus Sanctis, fit Commemoratio sancti Leonardi Abbatis, Intecessio, ex Communi pro Abbatibus.*

**IN FESTO S. LEOPOLDI, Confessoris.**

*Introitus.*



**S** justi meditabitur sapientiam, & lingua ejus loquetur iudicium: lex Dei ejus in corde ipsius.

*Psalm.* Noli æmulari in malignantibus: neque zelaveris facientes iniquitatem.

*ψ.* Gloria Patri. Os justi.

**ORATIO.**

**D**eus qui sanctum Leopoldum, ex Principatu & curis sæculi hujus, immaculatum ad regnum cœleste traduxisti: concede propitius: tua clementia ita nos per hæc temporalia dirigi, ut æternæ vitæ confortes effici mereamur. Per Dominum nostrum.

*LECTIO Libri Sapientie.*

**B**eatus vir, qui inventus est sine macula: & qui post aurum non abiit, nec speravit in pecuniæ thesauris. Quis est hic, & laudabimus eum? fecit enim mirabilia in vita sua. Qui probatus est, erit illi gloria æterna. Qui potuit transgredi, & non est transgressus: facere mala, & non fecit. Ideò stabilita sunt bona illius in Domino: & elemosynas illius enarrabit omnis Ecclesia Sanctorum.

*Gra-*

15. No-  
vemb.

Psalm.  
36.

Ibid.

Eccles.  
31.

6. No-  
vemb.



Psalm.  
19.

*Graduale.* Justus ut palma  
florebit: sicut cedrus Libani,  
multiplicabitur in domo Do-  
mini. *Ps.* Ad annuntiandum  
manè misericordiam tuam,  
& veritatem tuam per no-  
ctem. Alleluja, alleluja. *Ps.*  
Beatus vir, qui suffert tenta-  
tionem: quoniam cum pro-  
batus fuerit, accipiet coro-  
nam vitæ. Alleluja.

Luc. 1.

*Sequentia sancti Evangelij secun-  
dum Lucam.*

Luc. 19

**I**N illo tempore: Dixit JE-  
sus Discipulis suis Parabo-  
lam hanc. Homo quidam no-  
bilis abiit in regionem lōgin-  
quam accipere sibi regnum,  
& reverti. Vocatis autem de-  
cem servis suis, dedit eis de-  
cem mnas, & ait ad illos: Ne-  
gotiamini dum venio. Cives  
autem ejus oderant eum: &  
miserunt legationem post il-  
lum, dicētes: Nolumus hunc  
regnare super nos. Et factum  
est, ut rediret accepto reg-  
no: & jussit vocari servos,  
quibus dedit pecuniam: ut  
sciret quantum quisque ne-  
gotiatus esset. Venit autem  
primus, dicens: Domine,  
mna tua decem mnas acqui-  
sivit. Et ait illi: Euge serve  
bone, quia in modico fuisti fi-  
delis, eris potestatem ha-  
bens super decem civitates.  
Et alter venit, dicens: Domi-

ne, mna tua fecit quinque  
mnas. Et huic ait: Et tu esto  
super quinque civitates. Et  
tertius venit, dicens: Domi-  
ne, ecce mna tua, quam ha-  
bui repositam in sudario. Ti-  
mui enim te, quia homo au-  
sterus es: tollis quod non po-  
fui, & metis quod non se-  
minasti. Dicit ei: De ore tuo  
te judicio, serve nequam.  
Sciebas, quod ego homo au-  
sterus sum, tollens quod non  
posui, & metens quod non  
feminavi: & quare non dedi-  
sti pecuniam meam ad men-  
sam, & ego veniens, cum u-  
suris utique exegissem illam?  
Et astantibus dixit. Auferte  
ab illo mnam, & date illi qui  
decem mnas habet. Et dixé-  
runt ei: Domine, habet de-  
cem mnas. Dico autem vo-  
bis, quia omni habenti dabi-  
tur, & abundabit: ab eo au-  
tem qui non habet, aufere-  
tur ab eo.

*Offertorium.* Veritas mea, &  
misericordia mea cum ipso:  
& in nomine meo exaltabi-  
tur cornu ejus.

Psalm.  
88.*Secreta.*

**L**Audis tibi Domine, hostias  
immolamus in tuorum Com-  
memoratione Sanctorum:  
quibus nos & præsentibus  
exui malis confidimus, & fu-  
turis. Per Dominum nostrū.

Com-



Matt.  
24.

*Communio.* Beatus servus, quem cum venerit Dominus, invenerit vigilantem: Amen dico vobis, super omnia bona sua constituet eum.

*Postcommunio.*

DEUS, qui beatum Confessorem tuum Leopoldum mirificasti in terris, & gloriosum in caelis fecisti: eundem quaesumus, Ecclesiae tuae constitue defensorem. Per Dominum nostrum Jesum Christum Filium tuum, qui tecum vivit & regnat, &c.

SANCTÆ ELISABETHÆ Viduæ.

*Missæ, Cognovi Domine. De Communi nec Virginum nec Martyrum.*

¶ *Pro Commemoratione sancti Pontiani Papæ & Martyris.*

*Oratio.* Infirmi-  
tatem nostram. *De Communi unius Martyris Pontifici.*

IN FESTO S. VIRGILII, Episcopi & Confessoris.

*Missæ, Statuit ei Dominus. De Communi Confessorum Pontificum.*

F I N I S.


P A S S A V I I,

Ex Typographia GEORGII HÖLLER.


ANNO Salutis M. DC. LXXIV.













Missa Voiva. extra ordinaria per Annum de S. Anna.

Introrsus

Dilexisti Iustitiam et odisti iniquitatem: propitius eris mihi.  
Deus Deus tuus oleolantia. pra confortibus tuis Alleluia.  
Psalm. Eructavi cor meum. verbum bonum, dico opera mea.  
Regi, Gloria Patri etc. Introrsus. Dilexisti.

Sine Gloria. et sine Credo.

Collecta.

Deus qui beata Anna tantam gratiam donare dignatus es, ut beatissimam Virginem Mariam, matrem tuam in suo Vtero glorioso portare mereretur: da nobis quaesumus: per intercessionem matris et Filiae tuae propitiationis abundantiam: ut quarum memoriam pio amore complectimur, earum praclaris meritis et precibus ad Coelestem Jerusalem pervenire mereamur: Qui vivis et regnas cum Deo patre etc.

Lectio Libri Sapientia.

Mulierem fortem quis inveniet? procul est de ultimis finibus pretium eius. Confidit in ea cor viri sui et spolijs non indigebit. Reddet ei bonum et non malum, omnibus diebus vitae suae. Quasivit lanam et linum, et operata est consilio manuum suarum. Facta est quasi navis institoris, de longe portans panem suum. Et de nocte surrexit, deditque praedam domesticis suis et cibaria ancillis suis. Consideravit agrum et emit eum: de fructu manuum suarum plantavit vineam. Accinxit fortitudine lumbos suos, et roboravit brachium suum. Custavit ei vidit quia bona est negotiatio eius: non extinguetur in nocte lucerna eius. Manum suam misit ad fortia, et digiti eius apprehenderunt fulgur. Manum suam aperuit inopi, et palmas suas extendit ad pauperem. Non timebit domui suae a frigoribus nivis: omnes enim domestici eius vestiti sunt duplicibus. Stragulam vestem fecit sibi: byssus et purpura indumentum eius. No-



bilis in portis vir eius, quando sederit cum senatoribus, terra.  
Sindonem fecit ei vendidit, et cingulum tradidit Chanaanæo.  
Fortitudo et decor indumentum eius, et ridebit in die novissi-  
mo. Os suum aperuit sapientia, et lex clementiæ in lin-  
gua eius. Consideravit semitas domus suæ, et panem otio-  
sa non comedit. Surrexerunt filij eius, et beatissimam  
predicaverunt. Vir eius ei laudavit eam. Multa filia  
congregaverunt divitias: tu supergressa es universas.  
Fallax gratia, et vana est pulchritudo: Mulier timens Do-  
minum, ipsa laudabitur. Date ei de fructu manuum suarum:  
et laudent eam in portis opera eius.

### Graduale.

Dilexisti iustitiam, et odisti iniquitatem: **V:** Propterea  
unxit te deus, deus tuus oleo laetitiae. alleluia, alleluia.  
**V:** Diffusa est gratia in labijs tuis, propterea benedixit te deus  
in æternum. alleluia.

### Sequentia.

Salve mater matris Christi, tu quæ felix conscendisti  
jubilans ad æthera: inter nos para tutum, ut in Dñi  
virtutum, collochemur dextera. Amen.

### Sequentia. sancti Evangelij secundum Matthæum.

In illo tempore: dixit Jesus discipulis suis parabolam  
hanc: simile est regnum cœlorum thesauro abscondi-  
to in agro: quem qui invenit homo abscondit et præ  
gaudio illius vadit, et vendit universa quæ habet, et  
emit aorum illum. Iterum simile est regnum Cœlorum  
homini negotiatori, quærenti bonas margaritas. Inven-  
ta autem una pretiosa margarita, abiit et vendidit om-  
nia quæ habuit et emit eam. Iterum simile est regnum  
Cœlorum saccæ missæ in mare, et ex omni genere pisci-  
um congreganti. Quam cum impleta esset, educentes



et secus littus sedentes, elegerunt bonos in vasa, malos  
autem foras miserunt. Sic erit in consumatione seculi:  
exibunt Angeli, et separabunt malos de medio Justorum,  
et mittent eos in caminum ignis: ibi erit fletus, et stridor  
dentium. Intellexistis haec omnia? dicunt ei: etiam. At  
illis: Ideo omnis Scriba doctus in regno Coelorum, similis  
est homini patrifamilias, qui profert de thesauro suo nova et  
vetera.

### Offertorium.

**F**ilia regum in honore tuo, astitit Regina a dextris tuis  
in Vestitu deaurato, circumdata varietate.

### Secreta.

**S**uper has oblationes quasumus Omnipotens deus,  
qua in memoriam beatissimae Annae matris Sanctis-  
simae Genitricis Vnigeniti Filij tui Domini nostri con-  
secrantur, tuam effunde benedictionem: et per eas no-  
bis tribue cordium purificationem, et munerum tuorum  
veram participationem. Per eundem Dñum nostrum, etc:

### Communio

**D**iffusa est gratia in labijs tuis propterea benedixit te  
Deus in aeternum, et in saeculum saeculi.


### Post Communio

**S**umpta Sacramenta, quasumus domine intercedente  
beata Anna matre gloriosae Genitricis Vnigeniti,  
nos ab hostium defendant formidine, et aeter-  
nae mortis amaritudine. Per eundem  
Dñum nostrum Iesum Christum,  
filium tuum, qui tecum vivit  
et regnat in unitate, etc:















BIBLIOTEKA

Zakł. Nar. im. Ossolińskich

XYII 20599